

41-لقاء مسجد أسد بن الفرات | 1102-11-9 | الشيخ حازم

صالح أبو اسماعيل

حازم صالح أبو اسماعيل

فالخمسية دول بتوع مجلس الشعب وما عرفش مجلس الشورى كم واحد. الستمية وشوية دول بيقروا يختاروا مية. بيجتمعوا قصدي ينتخبو او يختاروا مية. يختاروهم ازاي ؟ ما فيش حاجة تقول لسة. يختاروهم من من الاعضاء - 00:00:00
الشعب والشورى واللي من برة ما فيش حاجة بتقول. يختاروهم بالانتخاب والترشيح ولا ازاي لسه هيتحدد. المية دول بيروحوا برة وقادعين بقى في حته يقعدوا مع بعض ينظروا في مسودة الدستور. لحد ما يحطوا لنا دستور مادة - 00:00:20
واحد مادة اتنين مادة ثلاثة لحد اخر مادة. لما تخلص المواد خالص وبقى فيه برو في الدستور يروحوا منزلينه للاستفتاء الشعبي غالباً
انا هقول للناس قولوا لأ ساعتها. عشان يبقى واضح عشان تبقو عارفين لأن انا فاهم هم مأجلينه من شهر الرئاسة من ابريل - 00:00:40

اليونيا ليه ؟ دي هتبقي معركة كبيرة تانية ده موضوع تاني. معركة ما يعلم بها الا ربنا ان شاء الله. فاحتنا باين علينا مش هنخاف
يبقى يرجع آآفدول فانا موافق على النزام ده مش معترض عليه. انا موافق عليه بس انا عايز اقول حاجة بقى. لأنّا يا اخي لسة مش - 00:01:00

مش هنقول اه ولا هم دلوقتي هيمنتخبو المية بتوعهم وربنا يوففهم ويمكن نقول ايوة ان شاء الله. بس انا عايز اقول حاجة هنا
مهمة جداً. الغالب مع الاسف ان الكلام عن الناحية التوافقية واضح انه هيمس الدستور نفسه. يعني بعض الاتجاهات الاسلامية الكبيرة
انا مش - 00:01:20

يعني هم لهم كلامهم انا مش موافق عليه. يمكن يكونوا هم احسن مننا مليون مرة. انما الكلام ده انا مش موافق عليه. والمادة الثانية
الدستور انا مش موافق عليها. ولازم تبقو عارفين ان انتم مش موافقين عليها. المادة من الدستور دي التانية من الدستور دي - 00:01:40

كانت موجودة ايام الطغيان. دلوقتي بيقول لك ايه المادة بتقول مبادئ الشريعة مش الشريعة؟ مبادئ الشريعة الاسلامية هي مصدر
الرئيسي للتشريع. لحظة واحدة كده مبادئ الشريعة الاسلامية هي المصدر الرئيسي - 00:02:00
للتشريع سبع كلمات. عارف السبع كلمات دول طلعوا فيهاكم مشكلة طلعوا فيها يجي عشرين مشكلة في سبع كلمات. اول حاجة قال
لك وما له مبادئ الشريعة الاسلامية؟ وليست احكام الشريعة. يعني ايه ؟ قال لك يعني العدل والمساواة والحرية والاخاء والجمال - 00:02:20

واللطافة المبادئ. الله! طب اول مبدأ ايه؟ برافو عليك هو بيقول المبادئ عشان عايز يعتبر ان احكام الشريعة مش من المبادئ. ازاي
بقي ده المبدأ الاول هو ايمن مبدأ الاول للشريعة انها شريعة ثم جعلناك على شريعة من الامر فاتبعها. كوييس - 00:02:40
فده فده اول حاجة. الحاجة الثانية ولذلك لازم المادة تبقى واضحة اكتر. الحاجة الثانية يقول لك الخطاب ده هي المصدر الاساسي
تشريع يعني ايه الرئيسي للتشريع؟ يعني ايه للتشريع؟ قال لك يعني الناس بتوع القانون في مجلس الشعب لما يقعدوا يعملوا قانون
يلتزموا - 00:03:10

مبادئ الشريعة. طب ما كوييس. يقول لك اه بس القوانين اللي حطوها قبل كده بقى خلاص. مش لازم تتغير. ليه؟ قال لك لأن ده

للتشرع لما تيجي شرع لأيا حبيبي فالمادة لازم تكون واضحة على كل حال بس ما تسبقوش الحوادث واحسنوا الظن في اخوانكم

هم ناس كويسين - 00:03:30

بس طريقتهم في التعبير دي طريقة تعبير. هم شايفين ان ده المناسب. ده المناسب. انما هم ناس زيهم زيكم كده تفكيرهم ومبادئهم زيهم بالاش ايه شروخ الصدف والله المستعان. المعونة الامريكية دي اصلها اسمها المعونة لكن هي مش معونة - 00:03:50

هو في الحقيقة انا لما مسلا ادي لك حاجة وتدى لي تمنها ده تمن اللي انت واحده مني. فهو امريكا بتقول لك ايه مسلا بتقول لك طب ما ما تعملش كذا وخد مني مليون دولار. فهي مقايضة ده مش فانا مش عايزها يعني هروح اشتتها. ده هو لو - 00:04:10 يوم ما انا قلت كده يا اخي. قلت لهم يوم ما هاقول لهم مش عايز معونة امريكية هم اللي ركبهم هتختبط في بعضها لأن هو مش بيديها لي تطوعا. هو بيديها لي - 00:04:30

لانه بيأخذ مقابلها كوييس اوبي. لا ده المقابل انت عارف ان الجماعة انت عارف ان الجماعة الامريكان دول جم وانا قعدت معهم. قعدت معهم قعدة مرتين. قعدة كويسة جدا حكومة امريكية. وقعد زريفة وشف بقى باكلهم زي ما انا باكلملك كده. حاجة كده - 00:04:40

بقول له ببساطة بقول له في الآخر انا فاهم وانت فاهم. والله العزيم. انا قلت له كده فقلت له بص عشان ما ييقاش فيه انت راجل دبلوماسي طول عمرك دبلوماسي لكن انا من اخرها خالص. انا عندي عناصر معينة للقوة وانت عندك عناصر معينة - 00:05:00

انا هراعي عناصرك وهخدمها ما تزعليش مش هحاربتك دلوقتي. مش فاضي لك يعني. انما انا في نفس الوقت انا عايز حاجات تانية كذا كذا على قد ما هتديني الكلام ده هتقدر تلاقي ده انما من غير الميزان ما فيش. بيعجي يقول لي ايه بس هي - 00:05:20

اصل المعونة وعشان البنية الاساسية وعشان كذا وعشان كذا. اقول له صراحة مش احنا هنضحك على بعض. ما هو فاهم ان ما انا طول عمري بخطب وبقول كده خلاص بقى جاهم بها فورا. ما هو طول عمري بقولها قلت له انت عارف كوييس ان اسرائيل تتمسك من زماره رقبتها. لو بس شوية ناس - 00:05:40

زي اللي راحوا فجروا خطوط الغاز ناس ما نعرفهمش خالص. لو وقفوا لكم على شط خليج العقبة ولا على شط البحر الاحمر. بس. ليه تتمسك من هنا لأن ده الشريان البحري الوحيد اللي اسرائيل بتتصدر منه للدول تأخذ منه. فهم ازا لم يجدوا دولة تؤمن لهم - 00:06:00

والشريان البحري ده بقى بيمر بايه؟ بالاردن وال سعودية ومصر والسودان واليمن والصومال بلاد اسلامية كلها. يعني طبعا يعني لو نودوا بعقيدتهم اسرائيل تخلص بعد اربعة وعشرين ساعة. الكلام ده انا مش بقوله لك هنا في الجامع ده انا بقوله لهم. قلت له - 00:06:20

انا عايز اخدم عليكم يا اخي. مش انتم قوة اقليمية؟ انا عايز اعمل لكم اللي انتم عايزينه. انا انا حلو جدا ما فيش حد احسن مني. مش هتلاقي حد احسن مني الا - 00:06:40

لو عميل بقى او موظف عندك. بس في نفس الوقت تبقى فاهم ان الكلام ده لازم به افك حالة العجز اللي موجود فيها البلد مش تسبب لي الناس عجزة تقول لي هبعت لك قمح وهبعت لك آلين وهبعت لك سلاح وهبعت لك يا راجل ده - 00:06:50

اللي احنا زعلانين منها مش انتم كلكم كده ما بتحبوش ايران والشيعة والمش عارف ايه وعقائدية ومش عارف ايه. ايران اللي واقفة قدام امريكا من تسعه وسبعين والله اعلم واقفة قدامها ولا بيهزروا مع بعض. كمان ده انت حاجة خلاص. ايران وصلت لدرجة الاكتفاء - 00:07:10

الذاتي في انتاج السلاح. انت الاكتفاء الذاتي في انتاج السلاح. فعشان كده انا باقول لك هي المسألة ميزان قوة. فامريكا احنا مش هناخد منها المعونة وعينينا مكسورة ده احنا هناخد منها لأن هي غصب عن عينيها. ولو مش عايزين احنا مش عايزينها. لأن - 00:07:30

مقايضة تمن حاجة تمن ما هو انا هقول لك برافو عليك ايه هي الحاجة دي انا قلتها برضو بس هم يمكن ما خدوش بالهم. قلت ان اليوم اللي انت تقفل فيه الشريان البحري لاسرائيل عايشة منه اقتصاديا ده - 00:07:50

ه تكون النتيجة ان امريكا غصب عن عينيها هتضطر تدفع معونات لاسرائيل. عشان تعيش المواطن الاسرائيلي لان اسرائيل لو مش هيدخل لها دخل من التجارة والصناعة والتصدير وغيره هتنتهي ما عندهاش حاجة تكسب منها. دي محاصرة لا العرب هياخدوا -

00:08:10

الافارقة هياخدوا مش هيعرفوا يصدروا هتموت. هتضطر امريكا تودي لها فلوس. الفلوس اللي امريكا هتوديها لاسرائيل كمعونة اكتر بكثير اللي هي هتدية دلوقتي لمصر. اللي هتوديه لاسرائيل هيختف دخل المواطن الامريكي. ولو المواطن الامريكي هناك دخله انخفض -

00:08:30

ما عرفش دخله انخفض حاجة بسيطة هيسقط اوباما. هيسقطه فورا. فاوبرا عشان مصلحته لازم ما ما فييش معونات كتير لاسرائيل وبالتالي لازم يحافظ على علاقته بمصر. وبالتالي لازم يدي مصر تمن ده. كده. وانا قلت الكلام ده كله بس يمكنهم ما لضمهاوش في بعضه -

00:08:50

فيرجى لضمها مع الشكر الجزيل. امريكا كل ما راحت احتلت بلد عملت فيها نظام سياسي يخبط في بعضه. نزام برلماني عشان يبقى سهل يتفجر ويخرج في بعض في اي وقت -

00:09:10

حرب اهلية انا في جزء سري مش هقدر اقوله بس الفرق بين تلاتين اربعة وتلاتين ستة هو حكاية ان هو عن طريق لجنة الدستور هيحبك المجتمع من داخل بحيس ان بذرة انه يقدر يفجره في اي وقت يقدر يعمله. ومع الاسف -

00:09:30

في ناس ما خدوش بالهم من ده متفقين على امور والله المستعان. آآ هو شف الجيش المصري فعلا كلامه صحيح انه اخر مرة حارب فيها كان من سنة ثلاثة وسبعين. ومعنىها كده انه بقى له اربعين سنة آآ يعني ما عدش فيه حد في الجيش المصري حاليا محارب -

00:09:50

خلاص ما فييش دول مش محاربين. دول بيجري اعدادهم وخلاص. في المقابل الاسرائيليين لم ينقطعوا عن المعارك ابدا وكل ما انت عارفين حرب مصر شوية حاربوا لبنان شوية. حتى حتى لما وجدوا ان في -

00:10:10

في بعض المعارك في اي مكان في العالم هم بيجهتوها بيعتوا كتيبة يا اسرائيلية لها. ليه؟ عشان تفضل ايديه في موضوع حتى في الاشياء الداخلية حتى في حجم التدريب احنا عندنا رؤساء الوحدات العسكرية ساعات يقول لك ان ما عنديش رصاص كفاية للتدريب على الرماية -

00:10:30

طبعا لا شك ان دي من الامور التي لابد من اصلاحها والله المستعان. حقوق الافراد ما حداش طبعا يقدر يفرط فيها ولكن وارد جدا التجاوز برضه. يعني التجاوز شيء شرعى. يعني الرسول عليه الصلاة والسلام قال عن بعض -

00:10:50

الناس ان دول يقتلون ولو تعلقوا باستار الكعبة. وبعدين بعضهم عفا عنه بعدها وبعدهم وقبل منه بعضهم عاقبه وآآ وفيه ناس قتلت وقال اذهبوا فانتم الطلقاء. فالحقيقة كلما يسرعوا كلما كان -

00:11:10

كذلك ارجى واقرب ان الواحد يقدر يتجاوز يعني. انما على كل حال والحقيقة اتمنى ايه اللي بيحصل وانا قلت قبل كده والناس ساعتها آآ والناس دول ما فييش فايدة فيهم ما حداش عارف المسألة بتتحسب ازاى. كل ما تقول حاجة كل واحد -

00:11:30

فيهارأى. لما قلت انه ياخدوا حصانة. حصانة وتكريم كمان ويسلموا البلد لاهلها. ايه المانع؟ مش احسن من الدماء التي اريقت انا قلت الكلام ده ازا كنت قلتة عن القزار -

00:11:50

وشفتوا القزار عمل ايه من قتل في الفترة اللي عمل فيها. فاحنا لا شك ان احنا يعني نريد ان نتجاوز المحننة وبنقول لهم ساعدونا على هذا السماح ولا يزال باب مفتوح ولكن ما اظن انه هيفضل مفتوح كده على طول يعني. والله المستعان. شف يا اخي الكريم اخوانك الذين -

00:12:10

تنكل تذكرهم كلهم في الحقيقة على خير. ولكنهم نتيجة علو الموجة واجهة كل منهم بدأ يفكر كيف نواجه هذه الموجة؟ فاللي احنا بننتقده عليهم ده هو الاسلوب اللي اختاروه في المواجهة وليس حقيقة ما في قلوبهم. فلو انك فلو انهم وجدوا الخير ستتجدهم احسن من يحتفلوا معك -

00:12:30

ونسأل الله ان يصلح بنا ولنا جميعا يا رب العالمين. هم عايزين يعملا تعديل الدستور اللي هو بمموافقة مجلس الشعب والشوري بحيس ان يجيبوا رئيس مقصوصة ضواهره وما لوش اي صلاحيات ولا اي سلطات ولا اي حاجة خالص. وخصوصا اذا كان اسمه فلان الفلاني - 00:13:00

اه يعني بيتهيألي كده يعني هو الفكرة ان هم حبوا يقولوا ايه يا ترى البرلمان هيبقى هو اللي اسلامي اكتر ولا الرئيس اسلامي اكتر؟ فلو لقوا بقى اللتنين - 00:13:20

المسألة جاية من اللتنين هتلاقى هو المقصود انه يحصل تفتت. يعني بيقى فيه سلطات كتيرة وفيه مصايب هم بيجهزوها اصل انا بتاع دستور فانا فاهم هو عايز يخلي فيه عدة جهات يعني هو عايز يدي المحكمة الدستورية جزء - 00:13:40 وللجيش جزء والبرلمان جزء وللرئيس جزء ولجهاز المحاسبات جزء. بحيس ان في الاخر كل الناس محتاجة كل الناس بيقى فيبيقى في عقربة في المسائل. فربنا يستر على كل حال ما تسبقوش الاحداث. المشايخ - 00:14:00

كتتم متصورين ان انت هتوصلوا الى آآ ان المشايخ عبارة عن اسطنبة واحدة رأي واحد مش ممكن. فيه ناس قالت ما تخرجوش خمسة وعشرين في ناس قالوا الخروج وفي ناس بيقابلو المجلس العسكري في ناس ما بيقابلوش. في ناس شاييفين مسائل كذا في في ناس مش تخصهم السياسة. في ناس ففي تفاعل وفي - 00:14:20

في تكلم وفي حديث وفي تفاعل. ومعظمنا بفضل الله عز وجل على على شيء ممتاز جدا لكن لا شك ان دايما في بعض الناس اصحاب اراء شيء طبيعي يعني مش كده. ومع ذلك انا عايز اقول لكم بوضوح كامل - 00:14:40

هو فيك آآ شخصين او تلات اشخاص لو انت آآ شوية يعني حطيتهم في آآ حاجة لوحدهم في الموقف هتلاقى المسائل كلها محلولة متتسقة بين الجميع. انما الشخصين او التلات اشخاص دول لهم اه اه تصور - 00:15:00

خاص بهم فلازم نفهم هذا والله المستعان. فيه كلمات لما تيجي تقيسها شرعا تلاقتها حاجة وحشة جدا يعني ايه رئيس توافقى غير ما ينفعش. يعني ايه نحن على مسافة واحدة من جميع المرشحين حلوة او ما كانش حد غالب - 00:15:20

يعنى على مسافة واحدة. انما الكلام ده كله ما بيتقاشر على سبيل الاعتقاد. هو بيتقاشر آآ وهم فيه يعني مش مش بيكتبوا لكن هم بيقولوه زي ما باقول لك آآ بيحاروا بيشوفوا نوصل ازاى. عشان كده انا ملتمنس هي هو غلط - 00:15:40

لكن على كل حال. اما اهتمامي بغير الاسلاميين فده مش صحيح. هو اللي حصل ان لما وصلنا في اول في اخر سبتمبر واول اكتوبر الى انه خلاص ادركت ان ما فيش حد قادر يقوم راضي يقوم بحاجة حاولت استنهض - 00:16:00

المجموعات اللي كانت مسؤولة عن الحراك الثوري. هقول اكلهم في التليفون واقابلهم واقعد معهم. يطلعوا يمين شمال بصفة عامة مش دول كانوا بتوع الثورة فاكلم الاسلاميين وغير الاسلاميين اللي انا وصلت له زي ما قلت لكم انه في ناس من من - 00:16:20

الهيئات السورية دي ماتت. خلاص دول مش موجودين في الحياة. وفي بعضهم افشل لنا بعض اعمالنا وعن عمد في الفترة اللي فاتت اللي هي بعد تسعتاشر نوفمبر دول. فبعضهم لا يؤتمن. لكن في الحقيقة - 00:16:40

انت بتندادي كل الناس وبتحاول مع كل الناس. وبالتالي زي ما قلت دايما انا لا اراعي لا ده ولا ده ولا ده. انا احاول ان افعل شيئا محددا هو ايه هو بقى رسالتي. لا بحاول ما حدش يزعل لكن اللي يزعل يزعل في الاخر - 00:17:00

اسلامي او غير اسلامي. لأ القيادات بيبني وبينهم علاقات ممتازة واتصالات وتجاوب روحي ونفسى وتواصل وتلاقى ما فيش حاجة ما تقلقوش. ايوة هو فيه اراء اصله مش طيب تحب انا اترك الحق ولا هم يعملا ايه؟ ما ها عمل ايه؟ بنقدر وما فيش بقى مش عارفين نوصل احسن من كده - 00:17:20

يعنى اقف حضرتك معلش. طب على كل حال المسائل دي هتتحل ان شاء الله لانها يعني هتتحل بازن الله لان المسير هيبينهما. يعني انا اضرب لكم مسل لغاية اول امبارح كان في ناس قالوا كلام معين. امبارح الناس اللي قالوا الكلام - 00:17:50

اول امبارح غيروه امبارح لان حصلت حاجة جديدة صح ولا لأ؟ يعني مسلا على سبيل المسال المجلس الاستشاري ده مش الاخوان انسحبوا منه والسلفيين تحفزوا عليه. ودول وقالوا الله ده فيه كذا. وهم اللي كان اول امبارح فيه كذا فاطمن ان مسير الاحداث -

اصل الامور هي الفرق ايه؟ الفرق هقول لك الفرق ايه؟ انا مدرس بدرس للفصل ده كل يوم وحضرتك داخل له حصة او او جيت في الآخر تكمل اخر شهر عشان انا اترقيت ولا حاجة زي كده - 00:18:30

انا كل ما اشوف الاخ ده اقول الولد ده يطلع الاول على الفاصل. حضرتك قعدت الاول يجي اسبوعين ثلاثة تقول الواد ده متعب اوي. وبعدين بعد كده قلت لا على فكرة ده ممكن يبقى له مستقبل كوييس ممكن يطلع من الاول. لما جت النتيجة طلع الاول فعلا. ده مش معناه ان انا عبقرى. ده معناه بس - 00:18:50

ان انا قعدت مع الفصل ده اكتر وعارفه اكتر. فايه الفكرة كده؟ انه احنا انا ممكن اوصل النهاردة وحضرتك توصل بكرة وفلان يصل بعده. لزات النتائج انما النتيجة بتوصل. هي مسألة آآ عنصر القراءة انك فاهم الاحداث دي او فاهم العناصر دي او كذا. فابشر بالخير ان شاء الله المسائل هتنتحل - 00:19:10

الناس الناس هيسمعوا كلام حلو اوي الايام الجاية ان شاء الله ابشر يعني بس آآ استنى علينا لغاية آآ اه ثلاثة ينایر او عشرة ينایر. ان شاء الله هتسمع كلام جميل اوي اوي. ما تستعجلوش. ما تقلقوش. هاقول لكم حاجة. اقلقوا. اقلقوا. خلاص - 00:19:30
ان شاء الله. آآ ايها الاخوة جزاكم الله خيرا والسلام عليكم ورحمة الله وبركاته - 00:19:50